



Broj: UP1-01-12-MKS-6-2/17
Sarajevo, 5.1.2018.g.

Na osnovu člana 14. stav (2) Zakona o slobodi pristupa informacijama u Bosni i Hercegovini (u daljnjem tekstu ZoSPI), («Službeni glasnik BiH» br. 28/00, 45/06, 102/09, 62/11 i 100/13), postupajući na osnovu tačke II Rješenja kojim se imenuje službenik za informisanje Direkcije za evropske integracije broj: 01-50-BT-66/12 od 13.1.2012. godine, rješavajući po pisanom zahtjevu broj UP-1-01-12-6/17 Damira O. doneseno je

R J E Š E N J E

Odobrava se zahtjev za pristup informacijama, kojim Damir O. iz Sarajeva traži pristup informaciji iz djelokruga DEI. Zahtjevom su traženi Odluka o imenovanju komisije, akademske, odnosno profesionalne biografije članova komisije i informacija o naknadi isplaćenoj po osnovu rada u komisiji u postupku nabavke usluga putem Konkursa za izradu vizuelnog identiteta procesa integrisanja BiH u EU, dostavom na adresu elektronske pošte.

O b r a z l o ž e n j e

Damir O. iz Sarajeva, dostavio je zahtjev za pristup informacijama kojim su traženi Odluka o imenovanju komisije, akademske, odnosno profesionalne biografije članova komisije i informacija o naknadi članovima isplaćena po osnovu rada u komisiji u postupku nabavke usluga putem Konkursa za izradu vizuelnog identiteta procesa integrisanja BiH u EU. Zahtjev za pristup informacijama Direkcija je zaprimila 28.12.2017. i zavela pod brojem UP-1-01-12-6/17. Postupajući u skladu sa članom 14. stav 2. tačka c) Zakona o slobodi pristupa informacijama u Bosni i Hercegovini, utvrđeno je da je tražena informacija pod kontrolom Direkcije u smislu ZoSPI. U skladu s tim doneseno je rješenje kao u dispozitivu, te se podnosiocu zahtjeva u prilogu ovog akta dostavlja Rješenje o imenovanju konkursne komisije br. 07-1 6-4-DD-1243-3/17 od 25.9.2017. u kojem je navedena i naknada za rad članovima konkursne komisije, te njihove akademske i profesionalne reference.

Pouka o pravnom lijeku: Protiv ovog Rješenja podnositelj zahtjeva može izjaviti žalbu Žalbenom vijeću Vijeća ministara BiH (adresa: Trg BiH 1, Sarajevo) u roku od 15 dana od dana prijema, a može se obratiti i instituciji Ombudsmana Bosne i Hercegovine (adresa: Akademika Jovana Surutke 13, Banjaluka).

Prilog:

- kao u tekstu
- Dostavljeno:
- podnosiocu zahtjeva (elektronskom poštom)
- a/a





Broj: 07-16-4-DD-1243-3/17
Sarajevo, 25.09.2017. godine

Na osnovu člana 61. Zakona o upravi (Službeni glasnik BiH, broj 32/02 i 102/09), člana 34. stav 1. i stav 2. Zakona o javnim nabavkama („Službeni glasnik BiH“, broj 39/14), direktor Direkcije za europske integracije d o n o s i:

R J E Š E N J E O IMENOVANJU KONKURSNE KOMISIJE

Član 1.

Imenuje se Konkursna komisija u postupku nabavke usluga putem Konkursa za izradu idejnog rješenja za potrebe Direkcije za europske integracije predmetu javne nabavke u sljedećem sastavu: mr. Amra Zulfikarpašić - predsjednik, mr. Vladimir Kosić - član i mr. Sandro Drinovac - član. Za sekretara Komisije, imenuje se državni službenik iz Direkcije za europske integracije Davor Dujmović, bez prava glasa i bez posebne naknade.

Član 2.

Konkursa komisija je imenovana za predmet nabavke pružanje usluge izrade idejnog rješenja vizuelnog identiteta procesa europskih integracija Bosne i Hercegovine (logo sa sloganom) i izrada knjige grafičkih standarda.

Konkursnu komisiju čine fizička lica priznate stručne reputacije.

Na osnovu ovoga Rješenja zaključiti će se Ugovor o djelu sa svim članovima Konkursne komisije, i isplatiti novčana naknada u iznosu od 500,00 KM. Troškove dolaska i boravka onih članova Komisije koji nemaju mjesto boravka u Sarajevu, snosit će Ugovorni organ i to na način da će Ugovorni organ obezbjediti hotelski smještaj tokom rada Komisije u Sarajevu, a troškove prevoza će isplatiti u visini povratne karte na relaciji mjesto prebivališta – Sarajevo - mjesto prebivališta.

Član 3.

Konkursna komisija je potpuno nezavisna pri ocjenjivanju pristiglih radova koje ocjenjuje anonimno (pod šiframa), a imena učesnika u konkursu članovi Konkursne komisije mogu saznati isključivo nakon donošenja odluke o izboru.

Blagovremeno pristigle radove Konkursna komisija ocjenjuje i rangira na osnovu opštih uslova preciziranih tekstom Konkursa.

Član 4.

Dostavljene prijedloge idejnog rješenja vizuelnog identiteta procesa europskih integracija u BiH ocjenjuje Konkursna komisija dodjelom bodova u utvrđenom rasponu po kriterijumima preciziranim Konkursom.

Član 5.

Preporuku o izboru najboljeg idejnog rješenja Konkursna komisija donosi uizvještaju o postupku, koji potpisuju svi članovi. Po okončanju postupka, izvještaj sa preporukom dostavlja Direktor Direkcije za europske integracije kao ugovornom organu na dalje postupanje.

Direktor Direkcije za europske integracije zadržava pravo da ne prihvati preporuku odluke o izboru sadržanu u izvještaju o postupku Konkursne komisije o čemu sačinjava posebno obrazloženje.

Član 6.

Mandat Komisije imenovane ovim Rješenjem traje do okončanja svih poslova započetih u predmetnom postupku.

Član 7.

Ovo Rješenje stupa na snagu danom donošenja.

- Članovima Komisije
- a/a



Akaderske i profesionalne reference članova konkursne komisije

Članovi	Mjesto i godina rođenja	Studij	Radni angažman	Izložbe, nagrade, specijalizacije
Amra Zulfikarpašić	Sarajevo, 1946.	Završen Studij grafičkog dizajna na Akademiji likovnih umjetnosti 1978. godine, a postdiplomski studij 2001.	Od 1995. predavačica, a zatim i vanredna profesorica na Akademiji likovnih umjetnosti Sarajevo.	Bavi se dizajnom postera, znakova i opremom knjiga. Kreirala je 2002. godine savremenu varijantu pisma Bosančica. Realizovala je brojne samostalne izložbe, a svoj rad predstavlja i na kolektivnim izložbama u zemlji i inostranstvu. Zasluzni je član ULUPUBiH. Nagrade: Bronzana ideja Portoroža – 1985; nagrade ULUPUBiH-a - 1987, 2000, 2001, 2002, 2003, 2004; Grand Prix "Collegium artisticum" za grafički dizajn pisma Bosančica – 2002. i 2004...
Vladimir Kosić	Sarajevo, 1958.	Završen Studij grafičkog dizajna na Akademiji likovnih umjetnosti u Sarajevu 1985, a magisterij na Fakultetu likovnih umjetnosti Cetinje 2007.	Profesor na Akademiji likovnih umjetnosti Trebinje.	Bogato iskustvo u izradi kreativnih rješenja, plakata, likovnoj opremi knjiga, časopisa i kataloga. Izlagač na brojnim samostalnim i grupnim žiriranim izložbama od 1983. do 2014. u Trebinju, Budvi, Dubrovniku, Mostaru, Igalu, Beogradu, Cetinju, Nikšiću, Herceg Novom, Banjaluci...
Sandro Drinovac	Mostar, 1981.	Završen Studij grafičkog dizajna na Akademiji likovnih umjetnosti Sarajevo 2006.	Od 2007. je zaposlen na Akademiji likovnih umjetnosti u Sarajevu na predmetu Vizuelne komunikacije.	Bogato iskustvo u oglašivačkoj industriji i radu na oblikovanju kreativnih rješenja. Izlagao kroz grupne izložbe u Sarajevu, Mostaru, Maglaju, Dubrovniku, Zagrebu, Beogradu, Mariboru, Frankrurtu, Bremenu, Siracusi, Sofiji. Dobitnik brojnih priznanja i nagrada: Nagrada Alija Kučukalić, ALU Sarajevo, 2003; nagrada za rješenje vizuala za Europski Omladinski Mirovni Samit, Sarajevo, 2004; nagrada Golden Bra (Grupni rad), Festival Vizuelnih Komunikacija, Magdalena, Maribor, 2005; Pobjedničko rješenje za logo – Spomenik prirode Skakavac (grupni rad), Sarajevo (BiH), 2007...